



Programa ji bo xebat û çalakîyên estetîkî

Programa ji bo xebat û çalakîyên estetîkî ji bo wan kesan e ku dixwazin bi karê wêne, muzîk, dans û teatrê re mijûl bibin.

Program berê xwe dide wan kesan ku dixwazin huner û çand biafirînin, yan jî wan bijî û fam bikin.

Zanenbûnên xwe dikarî di xebata li pêşdibstanan de yan jî di çalakîyên demên vala de bikar bînin. Lê vana her weha dikare ji bo berdewamkirina xwendin û perwerdeya çalakî û dersên hunerî re bibe bingeheke baş.

Di programê de van tiştan hîn dibî

Derfet ji bo te tê dayîn ku tu karê destan ya estetîkî biceribînî û hîn bibî bi awayên cuda xwe îfade bikî.

Di perwerdeyê de derfet ji te re tê dayîn ku tu huner û çand biafirîni, wan bijî û fam bikî.

Di perwerdeyê de derfet ji te re tê dayîn ku tu fantezî, meraq û xulîkkarîya xwe bi pêş ve bibî.

Tu di karê afirandinê de xwe bi pêş ve dixî û têtî perwerdekirin ku tiştê afirandîye pêşkêş bikî.

Perwerde ji bo karê afirandinê di warê alav, materyal û rêbazan de zanebûn û tecrûbeyan dide te.

Program bi te dide ceribandî ku di rewşên cuda de hevkarî û pêşwazîkirina mirovan bikî.

Program wiha hatiye amadekirin

Dersên hevpar yê dibistana lîseya taybet.

Di programên neteweyî de dersên ku herkes divê bixwîne hene. Ji vana re dibêjin dersên hevpar yê dibistana lîseya taybet.

Ev ders vana ne:

- inglîzî
- xebata estetîkî
- dirok
- spor û tenduristî
- matematîk
- xwezazanî
- olzanî
- civakzanî
- swêdî yan jî swêdî weke zimanê dûemîn.

Dersên hevpar yê programê

Di programê de dersên taybetmendî hene ku ji wan re dibêjin dersên hevpar yê programê. Hemû şagirdên Programa ji bo xebat û çalakîyên estetîkî van dersan dixwînin:

- danûstendina estetîkî
- huner û çand
- prodûksiyona medyayî
- swêdî.

Pêdaketina hûrûkûr ya programê

Tu her weha çend dersên din jî dixwîni ku di beşa te hîlbijartîye de bêtir zanebûnan dide te. Ji vana re dibêjin pêdaketina hûrûkûr ya programê.

Ji ber ku dibistanên cuda di warê pêdaketina hûrûkûr ya programê de dersên cuda pêşwazî dikin tu dikarî bi xwe ji dibistana miraceatê wê dikî bipirsî ka li cem wan kîjan dersên pêdaketina hûrûkûr ya programê têne dayîn.

Her weha li ser webcîhê www.skolverket.se, di bin beşa Förskola och skola (Pêşdibistan û dibistan) dikarî bêtir li ser pêdaketina hûrûkûr ya programê bixwîni.

Hîlbijartina şexsî

Tu her weha hîlbijartîneke şexsî jî dikî. Tu dikarî çend dersên ku di programê de cîh nagirin, lê ji aliyê hemû şagirdên li dibistanê ve dikarin werin xwendin, hîlbijêrî.

Pîlana dersan

Ji bo her dersek li Lîseyê perwerdeya taybetî pîlaneke dersan ya bi kursên pûankirî heye.

Heger tu serkeftî bî midûr dikare biryar bide ku tu kurs yan jî dersên li dibistana lîseyê bixwîni. Bi wî awayî pêşbirkexwazîya perwerdeya te zêdetir dibe.

Not û qarne

Dema kursek bi dawî bû tu jê not werdigirî. Mamoste dê zanebûnên te binirxîne û wan bi şertên di dereceyên notên A, C û E re miqayese bike.

Apl

Wan zanebûnên ku te li programê wergirtîne li kargehekê dikarî biceribîni û bikarbinî. Ji vê re dibêjin perwerdeya li cihê kar (arbetsplatsförlagt lärande, apl).

Xebata Lîseyaya perwerdeya taybetî

Bi armanca ku nîşan bidî tu ji bo wezîfeyên cuda yê xebatê baş amade yî tu dê xebateke di Lîseyaya perwerdeya taybetî pêk bînî.

Ji ber ku divê xebata Lîseyaya perwerdeya taybetî temamiya perwerdeya te nîşan bide tu vê yekê di dawîya perwerdeya xwe de pêk tîni.

Pîlana perwerdeyê ya şexsî

Pîlaneke perwerdeyê ya şexsî ya te heye. Di wir de ew ders û kurs hatine rêzkirin ku tu dê di dema xwe ya lîseyê de bixwînî.

Hemû biryarên di derbarê ka tu dê çi bixwînî de pêwîst e di pîlana perwerdeyê ya şexsî de çîh bigirin.

Dîploma Lîseyaya perwerdeya taybetî

Dema tu piştî çar salan Lîseyaya perwerdeya taybetî bi dawî dikî ji te re dîplomayek tê dayîn. Di dîplomayê de ew zanebûn û tecrûbeyên te yê ji Lîseyaya perwerdeya taybetî hatine nivîsandin.

Ev dîploma nîşan dide ka te di nav çar salên xwe yê li Lîseyaya perwerdeya taybetî de çend pûan xwendine.

Heger te notên pejirandî ji kursên bi gîştî ji 2500 pûanî wergirtîye wê demê tu dibî xwediyê perwerdeyêke temamî ya dibistana lîseyaya taybet.

Di programê de wisa dixebitî

Tu, awayên cuda yê îfadekirina hunerî diceribînî.

Tu bi rêya bikaranîna dans, muzîk yan jî wêneyê hîn dibî ku fikir û ramanên xwe pêşkêş bikî.

Derfet ji te re tê dayîn ku tu bi nîqaşkirina berhemên xwe û yê kesên din xûliqandina kalîteyê fam bikî.

Tu hîn dibî ku bi beşên cuda yê xebata estetîkî re hevkarîyê bikî.

Di programê de hîn dibî ku hevkarîyê bikî. Tu her weha diceribînî ku tena serê xwe kar bikî û berpirsiyarîya xebata xwe bigirî.

Tu her weha diceribînî ji ku îzah bikî ka tu kar û xebata xwe çawa pêk tîni.